

1 enformaziuns y termins

Uniun dai Ei: l'Uniun dai Ei Val Badia envieia d'uc i ei y i jogn en vendres ai 29 de setember da tó pert ala prozesciun con linternes o cianderes da Badia sò Oies; an peia ia ales 19:30 da dljia de Badia demez.

Esperionzes de vita: jogn y jones de Mareo roda le monn y ven zoruch te n'usc raiuns con trepes cosses da cunté y esperionzes da partí. En dedemesaledema, ai 27 de setember ales 20:00 aldiarunse tla biblioteca Angelo Trebo a Al Plan na esperionza fata tl'Uganda. Franz Agreiter y Clara Igira da La Pli se cuntará deplü sora co che ei á sontí la vita te còsc stat dl Africa. Le Consei de Formaziun d'Al Plan y la Biblioteca Angelo Trebo se conforta da se odei trec.

Variores: en dedolönesc ai 3 d'otober ales 20:00 vegnel tigní tal salf manifestaziuns Ciasa J.B. Runcher a Badia, sön iniziativa dl'uniun Primum Non Nocere (www.primum-non-nocere.info), por geniturs y interessés, na sera d'informaziun sora les variores (Impfungen) y le nò decret, con la doturia Dr. Elisabeth Delago Salcher, L.Abg. Andreas Pöder, Reinhold Holzer (Ökokinderrechte) y Bruno Mandolesi (Primum Non Nocere).

MuseumLadin: "I resultat d'inrescida sensazionai n'usc tal Ander de Conturines" é le titul dal referat che le Prof. Christoph Spötl ten en vendres ai 6 d'otober ales 21:15 tla Ciasa J.B. Rinna a San Ciascian. Dedò pón ince vijité la mostra "Le monn demorvèia di andri dles Dolomites" co restará daverta cina ai 10 d'otober. La conferenza ven organisada dal Museum Ladin Ursus ladinicus en colaboraziun cun l'Ofize Parcs naturai.

Pensiun: !Nosta ponsiun é ince te nostes mans! La Ciasa de Palsa envieia en dedolönesc ai 3 d'otober ales 15:00 tl'entrada dla ciasa a na encuntada por ciaté enformaziuns monüdes sora la ponsiun d'enjunta laborfonds.

Zenter Consumadús: le Camper dal Zenter Consumadús sará a Corvara, sön Plaza de Comun, en jöbia ai 28 de setember dales 10:00 ales 12:00 y a La Ila, sön Plaza dal Ladinia dales 15:00 ales 17:00. Al é na bona ocajiun por s'enformé, olá, co y can che le Sorvisc dai Consumadús pó ves daidé.

**La speranza è la virtù di un cuore che non si chiude nel buio,
non si ferma al passato, ma sa vedere il domani.**

Papa Francesco, 20.09.2017

Döt le bun a: Isidor Mühlmann 24.09.1925
Jan Taibon, San Laronz 26.09.1933
y a d'uc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 Mhz

UNITÉ PASTORALA



VAL BADIA

www.unitepastorala.org

Ann A

24.09.2017 - 25. domegna ia por l'ann

n. 44

Envidia contra bunté

📖 Is 55, 6–9 | Fil 1, 20ad–24.27a | Mt 20, 1–16a

Dal Vangelo do San Mateo:

Te chel tomp ti á Gejú cunté a sü discepui cösta parabola: ¹Con le regn dal ci éra desco con n patrun de n avei, co s'an é jü dadoman adora demez da ciasa, a tó sò oras por sòa vigna. [...] ⁸Canch'al ea gnü da sera, á le patrun dla vigna dit a so aministradú: Cherda i oras y paii fora le paiamont, metenn man dal ultimo cina al pröm. ⁹Al gnea chi co ea gnüs tuc sò dala önejima ora, y vignönn á ciaté n denar. ¹⁰Canch'al ea roé pa i pröms, minâ chisc de ciaté deplü. Mo ince chi á ma ciaté n denar porom. ¹¹Danló á motü man da se lascé sò contra le patrun ¹²y dijea: Chisc ultimi á ma laoré öna n'ora, y tö i as traté anfat desco nos; nos deperpo án suporté döt le de le peis dal laûr y le cialt. ¹³Mo le patrun ti á respognü a önn de chi: Amí, al ne te ven fat degün tort. Ne n'este nia gnü a öna con me sön önn n denar? ¹⁴Tol tü scioldi y vátan! lu endere ô ti dé al ultimo tan co a te. ¹⁵Ne poi nia fá ci ch'i ô con ci co é mio? O este invidius, deach'i sun bun con i atri? ^{16a}Ensciö sará i ultimi i pröms y i pröms i ultimi.

I ponsun do

Con la parbola dai laoranti tla vigna anse ince nos dificoltés. Ince por nos n'él nia iüst sce zacai ciafa por öna na ora de laur le medemo paiamont co en n'ater por döt le de. Mo tla parabola nen vára nia tan dal paiamont iüst. Ara ô plütosc stlarí l'amur de Chelbeldio por les porsones. Dan da él sunse d'uc de chi co ciafa anfat, degügn ne pó ieré deplü co i atri.

I periu

Beldio, i án debojügn che tö nes vegni adancuntra y nes scinches to amur. Fá ch'i odunse ete desche te se deides y tan bun che te s'ös. Por Crist, nosc Signur.

Wilhelm Egger "Sonntagsbibel"

📖 Letöres dla 26. domegna ia por l'ann:

Ez 18, 25–28 | Fil 2, 1–11 | Mt 21, 28–32



Edema liturgica dai 24.09. ai 01.10.2017

DOM 24.	25. domegna ia por l'ann	<i>Rupert y Virgile, Gerhard, Hermann</i>
08:30	gran messa por dōta la ploania	<i>oferta por i debojūgn dla ploania</i>
10:00	<i>s.m. a Al Plan</i>	
Lön 25.	<i>Nikolaus da Flüe, Gottfried, Sergio</i>	
07:30	<i>s.m. a Al Plan</i>	
Ded 26.	<i>Cosmas y Damian, Eugenia</i>	
07:30	s.m. ad intenziun en onú de Santa Maria	
Dem 27.	<i>Vinzenz de Paul, Dietrich</i>	
18:00	<i>s.m. a Al Plan</i>	
Jöb 28.	<i>Wenzel, Lioba, Lorenzo Ruiz y compagns</i>	
19:30	s.m. por i nüc Katrin Ellecosta y Simon Pedevilla	
	s.m. de ringraziamont dla fam. Alfred y Cristina Ellecosta, Taibun	
	s.m. por fam. Lukas y Barbara Taibon, La Pli	
	s.m. de ringraziamont y interzesciun de Sig. Heinrich Videsott	
	s.m. por † Riccardo Palla	
Ven 29.	 festa dai Sanc Arcangeli Michiel, Gabriel y Rafael	
07:10	<i>s.m. a Al Plan</i>	
Sab 30.	<i>larone, Urs y Viktor, Sofia</i>	
07:30	s.m. por † Anna Pedevilla, Terza	
	s.m. por † Anastasia Terza, Andé	
13:30	s.m. da noza dai nüc Angelika Willeit y Daniel Ferdigg	
18:00	<i>s.m. prefestia a Al Plan</i>	
DOM 01.	26. domegna ia por l'ann	<i>Tarejia dal Bambin Gejú (da Lisieux), Roman, Remigio, Werner</i>
	SEGRA DAL ROSARE	
08:30	gran messa ciantada por dōta la ploania	<i>oferta por i debojūgn dla ploania</i>
14:00	espi da festa y prozesciun en onú de Santa Maria fora Brach	
10:00	<i>s.m. a Al Plan</i>	
<i>ampola:</i>	por la fam. Brandlechner, Sotrú	
<i>ministronc:</i>	▶ da doman y domegna: Lucia Burchia y Natalie Comploi ▶ da sera y domegna: Florian Rindler y Johanna Konrater	
<i>i recordun:</i>	Ferdinand Kanetscheider, <i>Schweiz</i>	+ 24.09.2014
	Emma Erardi, <i>Desproch</i>	+ 25.09.2008
	Anna Obermair, <i>Leifers</i>	+ 28.09.2015
	Anna Pedevilla	+ 30.09.2012



Nosc pan da vignedé


Dio, bun Pere,
damo encö le pan da vignedé.
Mo ma cösc su ne basta nia.
Damo n cör contont,
con ci che te m'as dé
y te mo das te to amur.
Ciamó de plü:
n'oste nia mo dé mans,
co partesc le pan da vignedé
con chi co n'á nia da mangé?
da "Parores por vigni momënt"



*Dem Neidischen geht es nicht gut,
solange es ihm
nicht besser geht als anderen.
Dem Gütigen geht es nicht gut,
solange es anderen schlecht geht.
Auf welchem Podest
möchten Sie stehen?*



Vita de ploania y de paisc



Le Signur se benedesci y ciari de os. Le Signur lasci lominé so müs sora os y se dái sōa grazia. (Num 22, 24-25)

La ploania i fej les miús aodanzes de benedisciun y fortuna ai nüc **Angelika Willeit y Daniel Ferdigg** co se dá adöm tal sacramont dal matrimone en sabeda ai 30 de setember a La Pli.



Funziuns liturgiches sö La Crusc



vendres, 29 de setember,
SS. Arcangeli Michil, Gabriel y Rafael:
ales 07:30 prozesciun da San Linert sö La Crusc,
ales 09:30 santa messa.

dedemesaledema, 4 d'otober,
San Francesch:
dales 05:00 ales 06:00 ora d'adoraziun dan le Santiscimo,
ales 06:00 santa messa.

sabeda, 7 d'otober: ales 15:00 Traslaziun de Chël Bel Dî dala Crusc a San Linert.
domegna, 8 d'otober: ales 15 a San Linert prozesciun con Chël Bel Dî dala Crusc.